



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/01-11-42543-176/23
Sarajevo, 23.11.2023. godine

VLADA KANTONA SARAJEVO
STRUČNA SLUŽBA VLADE KANTONA SARAJEVO
-ovdje.

PREDMET: Zastupničko inicijativa zastupnice Jelene Pekić

ZASTUPNIČKA INICIJATIVA:

Zastupnica Jelena Pekić je, na Devetoj radnoj sjednici Skupštine Kantona Sarajevo, održanoj 03.10.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav (1) Poslovnika Skupštine Kantona Sarajevo, podnijela zastupničku inicijativu:

„Prema Vladi Kantona Sarajevo:

Da Vlada Kantona Sarajevo, prilikom dostavljanja Skupštini Kantona Sarajevo, Izvještaja o finansijskoj reviziji javnog sektora u KS a koju provodi Ured za reviziju institucija Federacije BiH, dostavlja se i Program mjera/akcioni planovi za otklanjanje nepravilnosti revidiranih subjekata i unapređenja rada i poslovanja, a koje su rukovodioci institucija obavezni sačiniti.

Da Vlada Kantona Sarajevo informiše Skupštinu Kantona Sarajevo o realizaciji Programa mjera/akcionih planova za otklanjanje nepravilnosti revidiranih subjekata.“

ODGOVOR:

Ministarstvo za odgoj i obrazovanje postupa po preporukama koje Ured za reviziju institucija u FBiH definiše u izvještajima o finansijskoj reviziji Kantona Sarajevo, kako za one koje su date općenito za sve budžetske korisnike, tako i posebno po eventualnim preporukama koje se odnose na Ministarstvo za odgoj i obrazovanje i budžetske korisnike iz nadležnosti Ministarstva.

Primjer navedenom su preporuke Ureda za reviziju institucija u FBiH date u Izvještaju o finansijskoj reviziji Kantona Sarajevo za 2021. godinu, u kome su navedene preporuke za budžetske korisnike, kao npr.: ažurirati registar budžetskih korisnika – Ministarstvo za odgoj i obrazovanje uredno i u roku dostavlja Ministarstvu finansija podatke za nove budžetske korisnike iz nadležnosti Ministarstva, ili podatke o izmjenama za budžetske korisnike koji su već unešeni u Registar budžetskih korisnika; jedna od preporuka je da budžetski korisnici donesu mape procesa, izvrše procjenu rizika, da sačinjavaju godišnje izvještaje o funkcionisanju sistema finansijskog upravljanja i kontrole, što Ministarstvo za odgoj i obrazovanje dosljedno provodi; u Godišnji izvještaj o izvršenju budžeta, u



kolone planiranih pozicija unositi podatke iz posljednjeg budžeta, što je u skladu sa Pravilnikom o finansijskom izvještavanju i godišnjem obračunu Budžeta u FBiH, što takođe primjenjujemo.

Pored navedenog, Ministarstvo za odgoj i obrazovanje postupa i po preporukama Jedinice za internu reviziju, koja je pri Ministarstvu finansija, i u skladu sa preporukama donosi plan aktivnosti za provođenje preporuka, na osnovu koga definiše mjere, odgovornosti i rokove za realizaciju mjera.

S poštovanjem,



DOSTAV LJENO:

1. Naslovu
2. Predsjedavajući Skupštine Kantona Sarajevo
3. Služba za skupštinske poslove Kantona Sarajevo
4. Sekretar Ministarstva za odgoj i obrazovanje
5. Arhiva

